

P-05-973 Ailagor siopau barbwyr a siopau trin gwallt cyn belled â'u bod yn gosod mesurau cadw pellter cymdeithasol llym.

Y Pwyllgor Deisebau | 7 Gorffennaf 2020
Petitions Committee | 7 July 2020

Cyfeirnod: RS20/12937-5

Rhify Ddeiseb: P-05-973

Teitly ddeiseb: Ailagor siopau barbwyr a siopau trin gwallt cyn belled â'u bod yn gosod mesurau cadw pellter cymdeithasol llym.

Geiriad y ddeiseb: Mae'r cyfyngiadau symud bellach wedi bod arnom ers dau fis. Mae'r cyfnod hwn wedi bod hyd yn oed yn hwy i'r rhai a ddewisodd hunan-ynysu yn gynnar. Gydag agor canolfannau garddio yn ddiweddar, dylem nawr fod yn trafod ailagor siopau barbwyr a siopau trin gwallt, cyn belled â bod mesurau cadw pellter cymdeithasol yn cael eu cymryd o ddifrif. Mae ymddangosiad wastad wedi bod yn bwysig iawn, ond mae'n bwysicach fyth yn yr oes sydd ohoni. Nid yw pobl yn teimlo'n dda pan nad ydyn nhw'n edrych yn dda, a chan fod pawb yn gorfod aros i mewn, y peth lleiaf i ofyn amdano yw ein bod yn teimlo'n dda amdanom ni ein hunain. Mae materion iechyd meddwl wedi tyfu'n aruthrol dros y blynyddoedd diwethaf ac un rheswm pam yw'r angen cynyddol i edrych yn dda er mwyn teimlo'n dda, a chyda'r cyfyngiadau symud presennol mae materion iechyd meddwl yn sicr o fod yn fwy cyffredin.

Dylai'r mesurau cadw pellter cymdeithasol yn y lleoliadau hyn gynnwys apwyntiad yn unig, a dim ond caniatáu nifer gyfyngedig o staff bob y dydd. Dylai fod nifer gyfyngedig o bobl i mewn ar unrhyw adeg, ac ni ddylid caniatáu ymgynnull na chiwio y tu allan. Dylai'r holl offer a chadeiriau gael eu glanhau'n drylwyr rhwng pob cwsmer, dylid gwisgo menyg a masgiau, a dylid



cadw cadeiriau ddwy fetr oddi wrth ei gilydd. Gellid rhoi unrhyw fesurau eraill ar waith i sicrhau diogelwch, ond mae'n rhaid rhoi stop ar y pennau blêr yma.

1. Cefndir

Bu'n ofynnol i siopau barbwyr a thrinwyr gwallt fod ar gau yng Nghymru ers 23 Mawrth 2020, o dan *Reoliadau Diogelu Iechyd (Cyfyngiadau Coronafeirws) (Cymru) 2020*, fel y'i diwygiwyd (y rheoliadau). Yr **unig bwrpas** y caniateir iddynt ailagor ar ei gyfer, yw os yw Gweinidogion Cymru neu awdurdod lleol yn gofyn iddynt wneud hynny at ddiben cymdeithasol. Nid yw hynny'n golygu y gall busnesau unigol ailagor ar gyfer masnachu.

Ar ddechrau'r cyfyngiadau symud, gwnaeth y Ffederasiwn Gwallt a Harddwch Cenedlaethol **gysylltu â swyddogion ar draws Llywodraethau'r DU** i ofyn am ychwanegu pob salon a phob siop barbwr ar unwaith, at y rhestr o fusnesau y mae'n rhaid iddynt gau.

Mae Llywodraeth Cymru wedi amlinellu'r camau y bydd yn eu cymryd i dywys Cymru allan o bandemig y coronafeirws yn **Llacio'r cyfyngiadau ar ein cymdeithas a'n heconomi: dal i drafod**. O ran gwasanaethau gofal personol fel barbwyr a thrinwyr gwallt, yn ôl y ddogfen hon, **pan fydd Cymru wrth gam Ambr diddymu'r mesurau cyfyngiadau symud, bydd Llywodraeth Cymru yn "Treialu rhai gwasanaethau personol drwy apwyntiad (e.e. siopau trin gwallt)."**

2. Y sefyllfa ddiweddaraf yng Nghymru

Yn ei hadolygiad nesaf ar 9 Gorffennaf, bydd Llywodraeth Cymru yn ystyried a fydd nifer o fathau o fusnesau – gan gynnwys barbwyr a thrinwyr gwallt – yn gallu ailagor.

Yn ei **gyngor i Lywodraeth Cymru** cyn yr adolygiad o'r rheoliadau ar 19 Mehefin, dywedodd y Dirprwy Brif Swyddog Meddygol:

Wrth sicrhau mesurau parhaus i osgoi niwed uniongyrchol yn sgil haint COVID-19, dylid mynd ati mewn ffordd bwylllog a doeth i lacio'r

Teitl:

cyfyngiadau er mwyn lleihau effeithiau economaidd-gymdeithasol hirdymor y pandemig.

[Yn ôl Datganiad Llywodraeth Cymru i'r wasg](#) ar 19 Mehefin, yn cyhoeddi'r newidiadau yn dilyn yr adolygiad diweddaraf:

Adeg yr adolygiad nesaf, ar 9 Gorffennaf, bydd Llywodraeth Cymru yn ystyried amryw o opsiynau penodol ar gyfer agor:

- Llety gwyliau hunangynhwysol
- Gwasanaethau gofal personol, fel gwasanaethau trin gwallt a harddwch, drwy apwyntiad.

Mae [datganiad ysgrifenedig](#) Prif Weinidog Cymru ar yr un dyddiad yn nodi:

Gofynnaf i rai busnesau ddechrau cymryd camau i baratoi nawr, rhag ofn y bydd yr amodau yn addas i wneud newidiadau pellach i'r rheoliadau.

Dyma'r meysydd penodol:

- Paratodau ar gyfer ailagor yr economi ymwelwyr, gan gynnwys llety heb gyfleusterau a rennir pan fo cadw pellter cymdeithasol yn bosibl.
- Paratodau ar gyfer aildechrau gwasanaethau gofal personol drwy apwyntiad, gan gynnwys trin gwallt.

At hynny, mae [Dogfen Cwestiynau Cyffredin Llywodraeth Cymru ar reoliadau Coronafeirws](#) yn amlygu'r ffaith ei bod yn ystyried a fydd trinwyr gwallt sy'n mynd i dai pobl yn gallu ailagor ar yr un pryd â thrinwyr gwallt eraill. Mae'n dweud:

Rydym yn dal i ystyried hyn. Dros y tair wythnos nesaf cyn ein hadolygiad nesaf o'r rheoliadau ar 9 Gorffennaf, rydym yn gweithio i benderfynu sut y gall gweithwyr trin gwallt ddechrau cynnig gwasanaethau yn ddiogel – mae angen inni edrych yn ofalus ar weithwyr trin gwallt sy'n mynd i dai pobl fel rhan o hyn.

Yn dilyn y cyhoeddiad hwn, gwnaeth y Ffederasiwn Gwallt a Harddwch Cenedlaethol [ysgrifennu at](#) y Weinidog yr Economi, Trafnidiaeth a Gogledd Cymru i ofyn i Lywodraeth Cymru gyhoeddi canllawiau ar gyfer y sector gwallt a harddwch, i gynorthwyo ei haelodau i baratoi ar gyfer ailagor.

Mae llythyr Gweinidog yr Economi, Trafnidiaeth a Gogledd Cymru at y Pwyllgor ynghylch y ddeiseb yn nodi fel a ganlyn:

Mae Llywodraeth Cymru'n cydnabod yr amgylchiadau aruthrol o anodd ac ansicr y mae busnesau ac unigolion yn eu profi ar hyn o bryd.

Rydym wedi ymroi'n llwyr i roi'r gefnogaeth a'r tawelwch meddwl sydd eu hangen ar y gymuned fusnes...

Byddwn am weld pethau'n ailddechrau os bydd yr amodau'n caniatáu. Byddwn yn dal i gydweithio'n glos â'r sector cyhoeddus, yr undebau llafur, busnesau, y trydydd sector ac eraill yn hyn o beth.

3. Y sefyllfa ledled y DU

Ar 18 Mehefin, gwnaeth Gweithrediaeth Gogledd Iwerddon **gyhoeddi y gall siopau barbwyr a siopau trinwyr gwallt ailagor, yn arfaethedig, yng Ngogledd Iwerddon o 6 Gorffennaf**. Gwnaeth Gweinidog yr Economi **ddweud** y bydd yr ailagor yn amodol ar ynysu'r Coronafeirws.

Gwnaeth Llywodraeth y DU **gyhoeddi ar 23 Mehefin y bydd siopau barbwyr a siopau trinwyr gwallt yn Lloegr yn gallu agor o 4 Gorffennaf ymlaen**. Mae hi wedi cyhoeddi **canllawiau ar gyfer gweithio'n ddiogel wrth ddarparu gwasanaethau sy'n gofyn am gysylltiad agos ag eraill**, gan gynnwys gwasanaethau barbwyr a thrinwyr gwallt. Mae'r rhain yn tynnu sylw at y ffaith y dylai gweithwyr sy'n gorfod dod i gysylltiad agos ag eraill gymryd gofal ychwanegol, fel gwisgo fisor sy'n gorchuddio'r wyneb, yn ogystal â chadw pellter cymdeithasol lle bo hynny'n bosibl, a golchi dwylo'n rheolaidd.

Ar 24 Mehefin, gwnaeth Llywodraeth yr Alban **ddweud y gallai siopau barbwyr a thrinwyr gwallt ailagor, yn arfaethedig, yn yr Alban ar 15 Gorffennaf, gyda mwy o fesurau hylendid**.

Gwneir pob ymdrech i sicrhau bod y wybodaeth yn y papur briffio hwn yn gywir adeg ei gyhoeddi. Dylai darllenwyr fod yn ymwybodol nad yw'r papurau briffio hyn yn cael eu diweddarau o reidrwydd na'u diwygio fel arall i adlewyrchu newidiadau dilynol.

Titel:
